



Aqqalu C. Jerimiassen

UKA 2025/23-24-1

Atassut

23. Oktober 2025

Uunga siunnersuut: Aatsitassanut tunngasunik suliaqarneq pillugu Inatsisartut inatsisaata allanngortinneqarnera pillugu Inatsisartut inatsisaat

(Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) allanngortinneqarnera pillugu Inatsisartut inatsisaat

(Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Aatsitassarsiornikkut ukiorpassuarni aningaasanik isaatitsinerunissamik sinnattoqartuarsimaneq qaatuupparput, tassanilu tusartuarterlutigu siunissami aatsitassarsiorneq tassaalerumaartoq nunatsinni aningaasarsiornikkut sukarsuit pingaarnersaattut inissisilertussaq.

Maannali ajorluartumik oqarluannaraanni, allaanngilaq ukiut tamarluinnapajaavisa inatsit allanngortiterneqarluni piinnaqqasoq, malittaannilu nunatsinni aatsitassarsiornikkut isaatitsinerulernissamut sinnattoq qumarluttuinnartoq, 2000-ikkullu aallartisimalerneranni isumalluarujussuarsimanerungaluaq tassaalersimasoq taamaallaat maanna isummap taassuma oqaasertaasa pavani innat akorngini akisuanerit.

Naalakkersuisullu taamannaannaq nutarteriuartillugit ajorluartumik qularaarput Atassummiit, sulii maanna mut aatsitassarsiornikkut aningaasarsiorsinnaalernissatta siunissami qaninnerusumi pinissaa.

Aatsitassarsiornerli pineqalersillugu uggornartumik inuiaqatigiinni oqallinneq sorpassuartigut avissaartuuffiujaannarpoq, tassanilu sorleq eqqortoorusunnerluni tamaat sukataarutigisarpaa, allaallu siornatigut isumaasimagaluit, soorlu inuiaqatigiit taasitinneqartariaqarneri, tamakku tamaasa imminiiginnarsinnaallugit isuma pigisaq ikkusimatinniarlugu.

Neriuppugulli maannamiit aatsitassanut inatsipput atuuttoq aalaakkaanerulaamik ingerlalaalissasoq ukua siunnersutit kingorna.

Ukiut tamaasa allannguilaartuarneq avataanit aatsitassarsiorniartunut aningaasaliiniartunut nakernarunnaarluttuinnassooq, takusinnaallugu aalaakkaasumik soqanngitsugut, taakkuulluni misinnarsissalluni aatsitassarsiorititsinaversaarnermik siunertaqartumik ingerlasoqartoq.



Aningaasameerpoq nunarput, isertitsivissat nutaat eqqartortuarpagut, taakkunanilu ilaaniarunaraluarpoq aatsitassarsiorneq. Qaa taava suliniarta aporfissalersuivallaarata, sumiiffimmut eqqarsataaseq qimalaarlugu.

Atassummiit taamatut oqaaseqarluta, inatsisissatut siunnersuutit marluusut tamaasa Inuussutissarsiornermut aatsitassanullu ataatsimiitsitaliaanut innersuuppagut.